



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 25. De expeditione ad Caaïvas.

urn:nbn:de:hbz:466:1-38528

*Caaiguaram
cibus.**Agilitas.**Praedita.**Ferocitas.**Bella.*

CAPUT
XXV.
*De expedi-
tione ad
Caaiguara.*

*Expeditionis
difficultates.*

guttute turbinare potius, quam loqui videntur. Tenuissimas casas ex arborum ramis confectas, unas ab aliis longè semotas habent; nec pænè major quam ipsis feris ciborum providentia est, adeò neque agriculturam, neque commercia exercent. Sagittâ pescantur, venanturque: maximam partem vermbus, viperis, muribus, formicis, parabili sanè & paßim obvio ciborum genere, & aliis animalculis vivunt: nec abhorrent ab esu tygrinæ carnis. Alces, quas Hispani magnas bestias vocant, luctando mactant, comeduntque. Simias per arbores adrependo ita sequuntur, ac si simia essent: quarum simiarum natura ea est, ut fugientes de arbore in arborem proles suas circumferant; ex alto lapsas Caaiguæ excipiunt, devorantque. Mel sylvestre illis in deliciis est. Hydromellis potu ita incalescunt, ut illo se contra frigora tueantur. Huic genti perpetua cum tygribus conflictatio est; nec aliam paucitatis suæ rationem reddunt, quam quod continuis ferarum insultibus diminuantur. Rabiem pro virtute habent, cæteras animi dotes ignorant. Multi usque ad portentum corpore deformes sunt, tam simiis similes, quam hominibus, præfertim si nares spæctes, quas simas jure optimo dixeris. Dorso gibbosæ & plerumque collo obstipio sunt: non desunt tamen inter eos formæ præstantes, præfertim mulieres, quæ in umbra natæ & educatæ, corporis colorem Europæis non admodum absimilem conservant. Utique sexui tenuissimus rationis usus est, quam ciborum genere, & quotidianâ feritate, necnon libertate vita depravant, ut ab ipsis ferarum moribus non multum absint. Urticis mulieres à cingulo ad genua se vestiunt, quas urticæ lini adinstar maceratas, digitisque pexas, reticulatum necunt. Viri nullas vestes, præter pelles, habent, quarum præpter parvitatem omnes ferè corporis partes sunt apertæ. Quamvis nudi incedant, ita toto corpore obcaluerunt, ut per vapores & spinæ sine formidine, viperarum adinstar, repant. Si qui bello capiuntur, difficilius quam ipsæ feræ cicurantur; nam plerumque vincula ferrea mordent, maniacorum in morem toto corpore spumantes: quin assuescere ad aliorum consortium, & mansuetieri, vix ipsi parvuli excepti possunt. Si in vinculis diu relinquantur, quâdam importuniâ animi, cœu animalia, quæ extra elementum suum educari nequeunt, paucos post dies, non admissis cibis, moriuntur. Aliud genus Caaiguaram est bellicosum, quorum bella tam ignobilia sunt, ut propria sint ferarum insultibus, quam hominum certaminibus. Hi viatores in suis terris incautè dormientes ex spissitudine nemorum aggrediuntur, mactantque; non tam vindicandi se, aut aliarum rerum cupidine, quam carne hostili vescendi, aut ferocitatem satiandi libidine: quam inhumanitatem liberali appellatione bellum vocant. Vinci se adeò dolent, ut quamvis subinde ab hostibus veniam accipiant, neque cibum sumant, nequé vulnera curari patiantur. Ex utraque gente Guairanæ Socii variis temporibus aliquot manipulos è sylvis eruerant, sed ferè omnes, statim ac oppido includebantur, more plantarum, que in umbra natæ Solem non ferunt, statim moriebantur. Acaraenses etiam Socii aliquot ejusmodi homines variis artibus æquali animarum utilitate ac corporum pernicie reduxerant, optabantque modum inventire, quo mortalium miseris animarum saluti, minimo corporum damno, conseruerent.

CAPUTO itaque eorum terras adeundi consilio, Petrus Alvarus, aliquot Neophytis comitantibus, ex Acaraia iter arripiens, transmisso Paranâ, sylvas densissimas, nullique præterquam tygribus pervias, per Piracabim ingreditur: quâ parte, per sylvarum densitatem sibi viam aperiens, tantâ corporis contentione obluctationeque processit, ut inter vapores disceptâ veste cutem largè eruentarit. Vix tectus flumina collo tenus, paludesque pluvio maximè ccelo transmittebat; cœque loci dormiebat, ubi frequenter tygium vestigia, & semesa ab feris hominum cadavera visabantur. Semel in reticulo pensili dormiens casu arboris pænè obrutus est. Inter hæc pericula, egregius animatum venator ferorum hominum spelæa ingressus, per interpretem effecit, ut octodecim capita non admodum invitè se tradiderent. Narrabant, pridie quam Alvarus venisset, duos è suis à tygribus discriptos, & mulieres tres viperarum morsu periisse. Petro Alvaro de vicinis populis scisci-

tanti



tanti respondere Barbari, non ita pridem Ibagobium quemdam Christianum apostamat ad se venisse, multisque Caaiguarum persuasisse, ut se sequerentur, & eò duxisse, quò non facilis esset, quām ipsis sylvicolis accessus: quapropter Alvarus, quia vires ægræ sylvestribus baccis herbisque sustentatae cum defecerant, qualicunque prædâ latratus, per eadem pericula & labores vestigia relegit. Pedibus fermè ibat nudis, frequenter amnes vado aut natatione transmeabat; ex algoris & famis injuria paupim genua subsidebant; continuo spinetorum occursum fatigabatur: lubricitate aut asperitate viæ, fallente vestigia toto pondere, fatiscens corruerat. Quæ ille omnia non æquo solùm, sed intento in Deum superabat animo; quippe tanta de inventa præda illi voluptas erat, ut cùm se largè cruentaret, aut ad saxa vepretæ que offenserat pedes, & alia incommoda occurserent, gaudio exilire videretur. grè superatis viæ difficultatibus, viginti & uno diebus in itinere exactis, demum defellimis viribus Dei benignitare, salvo & incolumi comitatu Acaraiam rediit. Et quia compererat. Caaiguarum plerosque ex patriis tenebris abductos, cœn pīces extra elementa statim emori, nequaquam sibi cunctandum duxit, quin tentaret, quā facilitate legis Christianæ documenta addiscerent. Quos quoniam reperit ad retinendum ineptos, & ad benè intelligendum obtulos, memor Divinæ Clementiæ, volentis homines & jumenta salvari, raptim, num crederent Christi mysteria, ab singulis inquit: cùm assentirentur, volentes Baptismo initiat, quo suscep- pro paulo post omnes, nemine dempto, moriuntur. Quod ut perspexit Alvarus, eniraverò gavisus est, manipulum tuum per summos labores ex messe relatum dignum fuisse, qui in Æterni Patris horreum transferretur: in tantillo numero cā cogitatione consolans, gloriosum esse pro Christo non solùm multa agere, sed pauca agendo multa pati. Sæpius deinde manipulatum ejusmodi homines eodem ferè successu subsequentibus annis reducti sunt. Per reliquum Paranaam res quietæ erant, & si demeres metum ab Prætore Paraquariae, rem publicam in consulto administrante illatum, secundo cursu omnia fluebant, Ethnicis non admodum invitè in fidem tutelamque Christi transcurrentibus, & Neophytis sacrorum estimationem, quām superioribus annis majorem, præ se ferentibus: universem circiter quingenti ex Paranensis, & ex Iguaianis ducenti & viginti octo adulti, & totidem ferè parvuli Baptismi gratiam meruere.

SED longè copiosior messis ad Urvaicam fuit: nam apud Ibitiraquanos centum & quadraginta adulti, neenon centum & quinque infantes: apud Piratinenses triplicato fermè numero: apud Caasapaminenses præter ducentos & nonaginta & unum infantes, quadringenti & sepruaginta-quinque proœcta ætatis homines: in Divi Xaverii oppido octingenti & sexaginta-tres, æquato fermè inter adultos & parvulos numero: In Caaroeni agro supra quadringentos & octoginta-duos pueros, quadringenti & sepruaginta-sex rationis usu prædicti, viri fœminæque Baptismate in libertatem filiorum Dei ex dæmonis servitute ascerti sunt. Præter tantam messem novum oppidum constructum est, & duorum allorum fundamenta jacta sunt. Acaragua fluvius est septem supra Divi Xaverii coloniam leuis in Urvaicam sese exonerans. Ejus accolis Provincialis Vasquius Sacerdotem de Societate promiserat, cujus spe domos suas hinc inde sparsas ita contraxerant, ut urbanitatem ambire, & Christianæ lege astringere sese velle demonstrarent. Societas verò magni interesse arbitrabatur hanc stationem occupare, tum ut gradus esset ad superioris Urvaicæ populos subjugandos, tum ne Niezuvius eo loci se ingerens rursum Neophytorum res turbaret. Eò igitur Petrus Romerus se conferens cùm reperisset trecentas & quinquaginta familias jam convenisse, & totidem alias facile conventuras, Crucem erigit, Magistratum constitut, infantes baptizat, quorum unus primo aditæ sedis die ad Superos evolavit. Chtistophorus Altamiranus, Barbaricæ linguae peritissimus, ex Provincialis destinatione his populis præfæcse jussus, per duodecim continuos annos adeò prosperè rem Christianam urbis, ut haec tenus in eo oppido, Asumpta Virgini consecrato, per Socios initia sacris quater mille & ducenta capita censemantur. Ibidem ego Guairanicam linguam tertiale didici,

Petrus Al-
varus ali-
quot Caa-
guas redu-
xit.

Baptizat.

Iterata ad
eos missio-
nes.

CAPUT
XXVI.
Ad Urvai-
cam Assum-
pta Virgi-
nis oppidū
confri-
tur.

Baptismo-
rum numbe-
rus.

Acaragu-
anus
fluvius.

Trecenta &
quinquagin-
ta familia
reducuntur.

Acaragua-
num Ba-
ptizatorum
numerus.